



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU NOVA HRVATSKA INICIJATIVA

Broj: 09-07-6- 1148/07
Sarajevo, 03.04. 2008. godine

SADRŽAJ :

MIŠLJENJE REVIZORA	3
1.UVOD	4
2.PREDSTAVLJANJE POLITIČKE STRANKE	4
3.OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije	5
Obim kancelarijske revizije	5
4.PREDHODNE REVIZIJE	5
5.NALAZI KANCELARIJSKE REVIZIJE I PREPORUKE	
5	
5.1. NALAZI	5
5.2. PREPORUKE	6
KOMENTAR	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Nove Hrvatske inicijative i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Na osnovu obavljene kancelarijske revizije godišnjeg finansijskog izvještaja utvrđeno je da je Nova Hrvatska inicijativa prekršila odredbe člana 11. stav 3. Zakona o finansiranju političkih partija.

Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Nove Hrvatske inicijative i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Nova Hrvatska inicijativa je iskazala prihode u iznosu od 336.342,40 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	0	0%
2	Prilozi fizičkih lica	3.800	113%
3	Prilozi pravnih lica	1.900	56%
4	Prihodi od imovine	5.752	171%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	324.890	9660%
	Ukupni prihodi:	336.342	10000%

U godišnjem finansijskom izvještaju Nova Hrvatska inicijativa je iskazala ukupne rashode u iznosu 378.581,78 KM.

2. PREDSTAVLJANJE POLITIČKE STRANKE

Naziv političke stranke: Nova Hrvatska inicijativa. Skraćeni naziv je NHI.

Politička stranka Nova Hrvatska inicijativa je registrovana 06.07.1998. godine kod Kantonalnog suda u Sarajevu pod brojem R-I-5/98.

Sjedište političke stranke je u Sarajevu, Titova 9a.

Za zastupanje stranke ovlaštene su Krešimir Zubak, predsjednik, Dobrica Jonjić, predsjednik Izvršnog odbora.

Osoba ovlaštena za podnošenje finansijskih izvještaja za 2006. godinu je Anton Knoll.

Organizacionu strukturu stranke Nove Hrvatske inicijative čine:

- 4 Županijske organizacije,
- 3 Regionalne organizacije,
- 26 općinskih organizacija,
- 15 povjerenstava.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Nove Hrvatske inicijative za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je Nova Hrvatska inicijativa u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja Nove Hrvatske inicijative obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršena je revizija godišnjeg finansijskog izvještaja Nove Hrvatske inicijative za 2005. godinu i izdat izvještaj o reviziji sa mišljenjem revizora, nalazima i preporukom revizije da stranka treba postupati u skladu sa odredbama člana 6. i člana 11. stav 3. Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE I PREPORUKE

5.1. NALAZI

Na osnovu obavljene kancelarijske revizije godišnjeg finansijskog izvještaja utvrđeno je da je Nova Hrvatska inicijativa prekršila odredbe člana 11. stav 3 Zakona o finansiranju političkih stranaka.¹

Izvještaj nije podnesen na propisanim obrascima u formi koju je odobrila CIK BiH, čime je prekršen član 5. Pravilnika o godišnjim finansijskim izvještajima političkih partija. Dostavljene su specifikacije uz obrasce koji nisu popunjeni. Obrazac br.5 dostavljen je nepopunjen, dok istovremeno stranka ima višak rashoda nad prihodima, a nisu evidentirani bilo kakvi dugovi, krediti ili pozajmice. Uvidom u poslovne knjige, kratkoročne obaveze su iskazane u iznosu od 39.904,00 KM, a nisu nikako evidentirane na ovom obrascu.

Troškovi predizborne kampanje

Nova Hrvatska inicijativa je postupila u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 130.422,66 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije – Nova Hrvatska inicijativa je mogla potrošiti 1.053.629,50 KM.

5.2. P R E P O R U K E :

Na osnovu uočenih nedostataka preporučuje se Novoj Hrvatskoj inicijativi:

- *da postupa u skladu sa odredbama člana 11. stav 3. Zakona o finansiranju političkih stranaka.*

KOMENTAR:

¹Do 31.03. naredne godine političke partije podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provodjenje odredbi kojima se bliže utvrđuju sadržaj, forma, način i drugi detalji izvještavanja.

² Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

U ostavljenom roku, Nova Hrvatska inicijativa se nije očitovala na Preliminarni izvještaj o reviziji godišnjih finansijskih izvještaja za 2006. godinu.

Hasida Gušić, šef Službe za reviziju

Andan Nevenko, revizor

Anela Burdžović Kapić, pomoćnik revizora